



Број/Број: 01,03,03/11-05-1-72/12  
Сарајево/Sarajevo, 05.03.2012. године

### **Izveštaj o posjeti delegacije Predstavničkog doma Parlamentarne skupštine Bosne i Hercegovine Republici Turskoj**

На позив г. Джемиле Ћићек, предсједника Велике Народне Скупштине Републике Турске, делегација Представничког дома Парламентарне скупштине Босне и Херцеговине у саставу: г. Милорад Џивковић, предсједavajuћи, г. Боžo Лјубић и г. Денис Беџировић, замјеници предсједavajuћег, г. Жељко Кузмановић, савјетник предсједavajuћег, гђа Мирслада Букарић-Ковачевић, руководиоца Сектора за међународне односе и протокол и гђа Енра Солдин, виши стручни савјетник Сектора за односе с јавношћу, боравила је у званичној узвратној билатералној посјети Анкари и Истанбулу од 25-28.03.2012. године. Програмом посјете високе делегације ПС БиХ били су обухваћени састанци са: г. Джемилем Ћићеком (Ћићек) и члановима Скупштине Турске, г. Абдуллахом Гүлом, предсједником Републике Турске, г. Булентом Аринчом (Бүлент Аринч), замјеником премијера Републике Турске и г. Ризанур Мералом, предсједником Конфедерације турских бизнисмена (TUSKON).

#### **Састанак са г. Джемилем Ћићеком, предсједником Велике народне скупштине Републике Турске, Анкара 26.03.2012. године :**

**Г. Джемил Ћићек:** Након изражене добродошлице и задовољства сусретом парламентарних делегација на највишем нивоу, предсједник Ћићек је нагласио да Босна и Херцеговина и њени народи заузимају посебно мјесто у Турској, да се не ради о односима формалног карактера, већ о оних који долазе из срца и због чега су Турска и њени грађани увијек били уз народе БиХ. Истакао да је Турска, у досадашњој сарадњи, конструктивно настојала радити на помоћи и развоју БиХ, те с тим у вези дао посебан значај посјети предсједavajuћег г. Џивковића и замјеника предсједavajuћих г. Лјубића и г. Беџировића Парламенту Турске. Подвукао потребу даљег интензивирања међупарламентарне сарадње што ће имати утицај и на цијелу регију Балкана. Г. Ћићек се осврнуо на протекло стољеће као вријеме сукоба, те истакао потребу да сви заједно извучемо поуку и ово претворимо у вријеме мира и развоја којем парламентарци, својом активнојим улогом, посебно и могу позитивно допринијети. Поменио значај формираних Групе пријатељства за сарадњу са БиХ у парламенту Турске те истакао да је ово једна од најбројнијих група. Представио предсједника Групе пријатељства г. Хакана Чавушoулуа (Hakan Çavuşoğlu) који је присуствовао састанку као и једног члана из опозиционе партије.

**Г. Милорад Џивковић:** У име делегације и своје лично име захвалио срдачном гостопримству, евидентном од самог доласка делегације ПС БиХ у Турску. Искористио прилику и, у име грађана БиХ, захвалио на досадашњој помоћи. Истакао да наше двије земље имају добре односе и немамо отворених питања. Ипак, навео да ти односи могу бити и бољи, посебно на пољу економије. Г. Џивковић је поменио заједничке циљеве које и БиХ и Турске које имају у погледу евроатланских интеграција. С тим у вези истакао да БиХ чини напоре да испуни услове за подношење апликације за чланство у ЕУ. Г. Џивковић је затражио подршку Републике Турске за БиХ на предстојећем засједанју НАТО-а у Џикагу у мају мјесцу. Навео да је Босни и Херцеговини остао још један услов-питање војне имовине, који није немогуће ријешити, обзиром на iskазану спремност биХ власти. Изразио задовољство чињеницом да се на економском плану смањује дисбаланс између БиХ и Турске. Г. Џивковић је рекао да је Турска по страним улагањима у БиХ прешла са дванестог на девето мјесто те да га та чињеница посебно радује. С тим у вези жељео сугерисати да та улагања буду равномјерније распоређена на оба ентитета, не само у Федерацији БиХ. Изразио наду за даље унапређење сарадње у области здравства, науке, културе, а Споразумом о избјегаванју двоstrukог опорезивања те смањењу техничких препрека сарадња би на свим пољима могла бити још боља. Г. Џивковић је предложио да и наше двије

strane uvedu saradnju na razini ekonomskih mješovitih komiteta i nastavimo dalje unapređivati međuparlamentarnu saradnju.

**G. Džemil Čiček:** Izrazio zadovoljstvo činjenicom da imamo ista stajališta po mnogim pitanjima. Rekao da će Turska nastaviti podržavati BiH integracione procese, kao što je to i dosada činila. Izrazio zadovoljstvo pozitivnim procesima u regiji Balkana, posebno napretku koji su ostvarile Srbija, Hrvatska, koja je na samom pragu članstva u EU, te zaželio da se BiH uskoro pridruži svojim susjedima. Posebno naglasio da svi želimo da Balkan ne bude nikada više područje sukoba već saradnje, razvoja i prosperiteta. Podržao sve inicijative u ingerenciji Parlamenta Turske koje doprinose ostvarenju cilja: saradnje u jugoistočnoj Evropi. U tom smislu pojasnio je da je Turske 2010. godine izašla sa prijedlogom za ovo što traže, te izrazili nadu da će imati podršku od prijatelja iz BiH na ovom planu. Također naveo da u institucionalnom smislu imaju primjere ujedinjavanja (ujedinjenja) rada parlamenata.

G Čiček je informisao bh delegaciju da se pored napora na bilateralnom planu, snažno angažuju na ratificiranju sporazuma koji se upućuju parlamentu. Naveo da je, jedan od značajnih mostova naše saradnje, veliki broj doseljenika iz BiH, koji većinom žive u Istanbulu i pokazuju želju za investiranjem u BiH. U tom smislu očekuju stabilnost tržišta, mjesta na koje žele ulagati sredstva. G. Čiček je istakao da u političkom smislu, nije dovoljno dati samo podršku, ona je potrebna i na terenu. S tim u vezi, imenovanje Vijeća ministara BiH ide u prilog ovoj činjenici i pozitivnim kretanjima, a sljedeći koraci koje bi trebalo poduzeti je sastanak mješovitih komiteta.

G. Čiček je istakao da Velika Narodna Skupština Republike Turske djeluje u šest međunarodnih institucija. Izrazio nadu da će BiH podržati kandidaturu Turske za Ljetnje olimpijske igre 2020. godine u Istanbulu I Expo u Izmiru iste godine. Također zatražio podršku BiH za nestalno članstvo u Vijeću sigurnosti UN-a 2015-2016. godine.

**G. Božo Ljubić:** Izrazio zahvalnost na toplom dočeku, te kazao da svjedočimo na svakome koraku koliko je zemlje organizirana i uređena. Informirao domaćine da je u više navrata boravio u Turskoj, u svojstvu ministra zdravstva bio je u Ankari kada je u tom kapacitetu zahvalio narodu Turske na pomoći koju je pružala BiH u najtežim trenucima. Iskazao zadovoljstvo da dijelimo učešće sa parlamentarcima Turske u šest multilateralnih organizacija, te da nas i povjsno naslijeđe upućuje na saradnju. Izrazio zadovoljstva da je BiH u poziciji da je sada više partner za suradnju nego objekt pomoći. G. Ljubić izrazio nadu za dalje unapređenje gospodarskih odnosa. naveo da još uvijek u BiH imamo određenih problema u funkcioniranju države, ali da postoji konsenzus u pogledu budućeg euroatlanskog puta BiH i članstva u NATO. S tim u vezi rekao da je pred nama cilj: euroatlanski konsenzus pretvoriti u funkcionalne institucije sa ciljem bržeg razvoja i osposobljavanja zemlje za euroatlansku integraciju. Posebno naglasio da želimo da Balkan prestane biti sinonim za sukobe, već za nešto pozitivno, razvojno. Naveo s koliko prirodnih ljepota raspolaže ovaj region, od Bosfora, hrvatske obale, bosanskih planina.. Istakao da euroatlanske integracije BiH idu u pozitivnom smjeru te izrazio želju da će proizvesti bolje uslove za život svih njenih građana. G. Ljubić je, također zatražio podršku Turske na predstojećem zasjedanju NATO- au maju mjesecu u Čikagu, te istakao da smo primili k znanju one upućene od turske strane.

**G. Denis Bećirović:** Nakon što je iskazao najsrdačniju zahvalnost domaćinima na toplom prijemu, iskoristio priliku i zahvalio za sveukupnu pomoć Turske Bosni i Hercegovini. Istakao da naše zemlje imaju dobre historijske, političke i duhovne veze te da je oko četiri miliona građana Turske porijeklom iz BiH dodatni most za saradnju. Naglasio da pored političkih veza, želimo proširenje saradnje i na ekonomskom planu. Posebno naveo dva strateška cilja BiH, europske i euroatlanske integracije. S tim u vezi, zamolio podršku Turske za članstvo u NATO-u, navodeći sigurnosni razlog kao jedan od značajnih za cijeli region Balkana. G. Bećirović je istakao pozitivan angažman Turske ne samo u Regionu već i na Bliskom istoku, Kavkazu i drugim kriznim područjima. Posebno naglasio značaj trilateralnih sastanaka, Turske Srbije i Bosne i Hercegovine te naveo potrebu aktivnog uključivanja Hrvatske, obzirom da svi naši narodi (BIH) imaju posebne odnose i sa Hrvatskom, Srbijom i Turskom. Podržao prijedlog g. Živkovića za unapređenjem međuparlamentarne saradnje, sastancima jedanput godišnje na razini predsjednika (predsjedavajućih), te rekao da i ovaj susret vidi kao dodatni poticaj Vijeću ministara BiH i Vladi Turske. Napomenuo da Predsjedništvo BiH održava veoma dobre veze sa Turskom. Istakao da susrete na najvišem parlamentarnom nivou treba da prate i kontakti naših Komisija za vanjske poslove.

g. Bećirović je, također naglasio da očekuje da razgovori parlamentarnih delegacija budu poticaj za učestalije susrete mješovitih komiteta i provođenja potpisanih sporazuma. Kazao da su BiH i Turska uspostavile dobar politički okvir, a na nama je da ga popunimo konkretnim sadržajima u predstojećem periodu. Posebno predložio unapređenje saradnje između univerziteta, nastavak daljeg bratimljenja naših gradova, pored Sarajeva, Mostara Banjaluke, Zenice, unapređenja saradnje na lokalom nivou, u oblasti zdravstva, turizma, te u oblasti komunikacija, s akcentom na avio saobraćaj. G. Bećirović je na kraju istakao da je BiH planetarni dokaz da ljudi različitih vjera, nacija mogu živjeti u jednoj zemlji.

**G. Milorad Živković** je iskoristio priliku i pozvao g. Džemala Čičeka, predsjednika Velike narodne skupštine Republike Turske da posjeti Bosnu i Hercegovinu.

### **Sastanak sa g. Abdullahom Gülom, predsjednikom Republike Turske**

**G. Abdullah Gul:** Na početku sastanka izrazio veliko zadovoljstvo susretom sa predsjedavajućim g. Živkovićem i zamjenicima predsjedavajućih g. Ljubićem i g. Bećirovićem. Istakao da ga raduju susreti BiH parlamentaraca sa svojim turskim kolegama, kao i predstavnicima Grupe prijateljstva Velike narodne skupštine Republike Turske. S tim u vezi naglasio da je to jedna od najbrojnijih parlamentarnih grupa, što dodatno govori o odnosu Turske prema BiH. Kazao da je nedavno u Turskoj boravio i g. Izetbegović, član BiH Predsjedništva, te da je zamjenik premijera g. Babić posjetio BiH. Naveo da je i sam više puta posjetio BiH, boravio i u Mostaru. Istakao da će i ova posjeta predsjedavajućeg i zamjenika Predstavničkog doma PS BiH dalje doprinijeti unapređenju naših odnosa.

**G. Milorad Živković:** Zahvalio predsjedniku Gulu na prijemu i vremenu upriličenom za susret te iskoristio priliku zahvaliti Turskoj na pomoći koju je pružala Bosni i Hercegovini i njenim građanima. Posebno naglasio da su odnosi između naših zemalja dobri i bez otvorenih pitanja. G. Živković je istakao značaj odnosa koji Turska ima prema BiH kao susjednoj državi. Naglasio da smo mala država, ali na burnom mjestu, da pokušavamo iznaći način da svi živimo na ovom prostoru zajedno i u miru. U tom smislu, g. Živković je zatražio podršku Turske za članstvo u NATO-u, kao što je to učinio i kod svojih parlamentarnih kolega. Izrazio nadu za unapređenje ekonomske saradnje, poboljšanje svih drugih oblika saradnje, kao i povećanje investiranja Republike Turske u BiH.

**G. Ljubić:** Iskazao čast i zadovoljstvo susretom sa predsjednikom Gulom, zahvalio na veoma srdačnom gostoprimstvu te istakao da je Turska veoma važan partner BiH. Posebnim naveo veoma dobre međuparlamentarne odnose, emocionalnu bliskost ljudi u obe naše zemlje kao temelje da se dalje unaprijede i ekonomski odnosi između BiH i Turske. G. Ljubić je rekao da je Turska i kao ekonomska sila, veoma važan stabilizirajući faktor za cijeli region. S tim u vezi istakao da je Balkan geostrateški veoma važno područje, da bez stabilnog Balkana nema ni stabilne Evrope, a stabilnog Balkana nema bez stabilne BiH, a Turska u svemu tome odigrati značajnu ulogu. Dodao da BiH može biti stabilna samo u harmoniji i uz konsenzus njena tri naroda, što je Turska, pokazala uvažavajućim. G. Ljubić, je također zatražio podršku Turske za NATO članstvo BiH na predstojećoj Konferenciji u Čikagu, te izrazio nadu da će i ova posjeta doprinijeti unapređenju ukupne saradnje.

**G. Bećirović:** Zahvalio na izuzetnom gostoprimstvu i prijemu, ukazao da između naših zemalja postoje posebne političke, kulturne i druge veze. Izrazio zadovoljstvo da imamo novu generaciju političara koji ne žele živjeti u prošlosti već ići ka budućnosti. Veoma pozitivnom ocijenio svježinu u vanjskoj politici Turske prisutnoj i angažovanoj u rješavanju situacija u mnogim dijelovima svijeta. Kazao da podupiremo inicijative koje Turska pokreće i ideje o formiranju parlamentarne dimenzije Jugoistočne Evrope, čime bi bilo omogućeno efikasnije djelovanje u ovom dijelu Evrope. Istakao da tome u prilog idu i trilateralni susreti Turske-BiH-Srbije, koje bi trebalo proširiti učešćem Hrvatske ubuduće. Napomenuo da su građani porijeklom iz BiH poseban most u našim dobrim odnosima, te da tu činjenicu treba dodatno iskoristiti. G. Bećirović se osvrnuo na dva prioritetna cilja BiH: putu ka EU i NATO, oko čega postoji konsenzus, te u tom smislu zatražio podršku Turske BiH na konferenciji u maju mjesecu u Čikagu. Pomenuo oblasti kulture, turizma, zdravstva, sporta na kojima možemo dodatno unaprijediti i poboljšati našu saradnju. Istakao da parlamentarci, nosioci zakonodavne vlasti trebaju dodatno izvršiti pritisak na izvršnu vlast u cilju intenziviranja aktivnosti za jačanje ekonomske saradnje, uključujući i razmjene mješovitih komiteta. Za BiH je kazao da se nalazi na prostoru gdje egzistiraju tri monoteističke religije, te izrazio nadu da će nove generacije političara u BiH iskoristiti značaj te činjenice. Na kraju je kazao, da je Bog htio stvoriti bi nas jednake, ali nije.

**G. Abdullah Gul:** Izrazio lično zadovoljstvo da se sreo sa delegacijom Parlamenta BiH. Podcrtao značaj činjenice da su u demokratskim društvima parlamentarci u pluralističkom smislu, predstavljaju svoje narode. Naveo da je mu je bilo žao što u jednom periodu nismo uspjeli formirati vlast, što je dodatno opterećivalo državu, zbog neusvajanja budžeta, ali da su se imenovanjem Vijeća ministara mnoge stvari pokrenule naprijed. S tim u vezi pomenuo aktivnosti u realizaciji uslova za članstvo u EU I NATO. G. Gul je je kazao da iz mnogih situacija izvlačimo određene pouke: potkrijepio tvrdnju primjerom okončanja sukoba između Njmačke i Francuske koje su i poslije velikih žrtava riješile probleme. Naglasio značaj pristupanja EU I NATO, čime bi se riješilo uspostavljanje stabilnosti u ovom dijelu Evrope. U vezi sa dugotrajnim procesom turskog priključenja EU, g. Gul je rekao da se ne bi trebali čuditi ukoliko BiH postane članicom evropske porodice prije Turske. Naročito pozitivnim ocijenio napore koje je učinila Hrvatska i koja je već u EU, te zamahom Crne Gore u realizaciji evropskog puta. Bosanskohercegovačkim parlamentarcima poručio da sami moraju učiniti ono što se od njih očekuje, pozitivnim ocijenio rješavanje pitanja popisa stanovništva, državne pomoći te pozitivnim signalima u rješavanju pitanja vojne imovine. Iskazao optimizam za dobijanje MAP-a u Čikagu, naglasivši da će Turska biti advokat BiH i zastupati vas na ovom međunarodnom skupu kao prve komšije. Sve to ide u prilog stvaranju uslova za bolj ekonomsku situaciju. G. Gul je ponovio da se privrednici u Turskoj stalno stimulišu za iznalaženje mogućnosti ulaganja u projekte u BiH. Naveo pozitivnu saradnju koju ima sa sva tri člana predsjedništva, te zamolio da njegove pozdrave delegacija PS BiH uruči gospodi Izetbegoviću, Radmanoviću i Komšiću. Reкао da je BiH stoljećima tu gdje jeste, naveo sličnosti Sarajeva Jerusalima i Istanbula kao primjere raznolikosti.

**g. Živković:** Istakao da mi u BiH ne krijemo da imamo problema, naveo određene zadatke koje je potrebno uraditi, podsjetio na odluku Suda u Strazburu, Sejdić-Finci, te potrebi da napravimo efikasniji sistem. U tom smislu pojasnio da imamo određenih socijalnih problema, da i na entitetskom nivou imamo ministarstava i veliku administraciju. Započeli smo mnoge reforme te da u kapitalizam ne možemo preko noći. Upravo zato, kazao je g. Živković ne smijemo gubiti vrijeme na međusobna nerazumijevanja, već moramo ići naprijed, u čemu nam je pomoć prijatelja izuzetno značajna, ali da samo unutrašnjim dogovorom možemo doći do rješenja za sve.

**G. Abdullah Gul:** na kraju je razgovora istakao da je pored zvanične, veoma značajna i ne zvanična saradnja i susreti naših ljudi.

### **Sastanak sa g. Bulentom Arinčom, zamjeniko premijera Republike Turske:**

**G. Arinč** je nakon izražene dobrodošlice članovima bh delegacije istakao da su naši odnosi dobri i da se nastavljaju razvijati i unapređivati. Informisao da je premijer Erdogan na sastanku u Koreji ( G 20) te da je on, iz Izmiru došao samo da bi se sastao sa delegacijom PS BiH. Kazao da kad je BiH u pitanju, on lično sve programe ostavlja po strani. G. Arinč je rekao da je bio predsjednik Velike Narodne skupštine Republike Turske u periodu od 2002-2007. godine te da je u prvu zvaničnu posjetu došao u BiH gdje mu je domaćin bio g. Šefik Đaferović.

**G. Živković** se zahvalio g. Arinču na izdvojenom vremenu i izrazio zadovoljstvo sastankom te iskoristio priliku još jedanput zahvaliti za svu pomoć koju je Turska pružila BiH. Istakao da Turska u spoljnoj politici vodi obazrivu politiku. Izrazio zadovoljstvo da naše dvije zemlje u kontinuitetu nemaju otvorenih pitanja. Naveo mogućnost eventualnog zajedničkog nastupa u budućnosti u raznim organizacijama. G. Živković je rekao da parlamentarci, kao predstavnici zakonodavne vlasti mogu uticati na izvršnu vlast, te mnoge sporazume pripremljene za potpis blagovremeno ratificirati. Izrazio nadu da će se poslovni ljudi Turske opredijeliti za veća ulaganja u BiH, te da će vlasti BiH učiniti sa svoje strane da se što prije otklone prepreke, kao što je ratifikacija Sporazuma o dvostrukom oporezivanju. Također izrazio nadu da će se naša buduća sardnja proširiti i u domenu kulture, nauke, zdravstva, te istakao da sardnja postoji u svim segmentima života, ali je treba unaprijediti.

**G. Arinč:** Naglasio značaj posjeta na visokom nivou, izrazio zadovoljstvo da je Anadolija-novinska agencija počela sa emitiranjem vijesti na jezicima naroda BiH u Sarajevu. Zamjenik premijera g. Ali Babadžan, je u pratnji ministra poljoprivrede Turske boravio u BiH u cilju određenih investiranja. S tim u vezi, g. Arinč je istakao da je premijer Erogan dao instrukcije ( naredjenja) za povećanje investicija na teritoriji cijele BiH. Izrazio nezadovoljstvo razmjenom između naše dvije zemlje, te da se ona mora povećati. Tome će svakako doprinijeti i ratifikacija Sporazuma o izbjegavanju dvostrukog oporezivanja. Posebno naglasio činjenicu da se na sve narode BiH gleda podjednako.

Potpuno se složio sa ciljevima BiH u vezi sa EU I NATO integracija, te kazao da će Turska dati svoju podršku ovim BiH nastojanjima. Podržao dalje unapređenje saradnje u oblasti kulture, turizma, univerziteta. Posebno zadovoljstvo iskazao i čestitao na formiranju vlasti .

**G. Arinč** se s posebnim pijetetom prisjetio svojih posjeta Bosni i Hercegovini i dragih ljudi koje je imao priliku sresti u to vrijeme. Iskazao podršku prijateljima – Bosancima i Hercegovcima za euroatlaski put i složio se da postoje još mnogi neiskorišteni modeli ekonomske saradnje, poput turizma i zimskih sportova, Jahorine, Bjelašnice i Igmana, oblasti sporta uopšte.

### **Sastanak sa predstavnicima Konfederacije turskih biznismena / TUSKON/**

Delegacija Parlamentarne skupštine Bosne I Hercegovine sastala se sa delegacijom TUSKON-a koju je predvodio g. Rizanur Meral, predsjednik u okviru radne večere u sjedištu ove organizacije

**g. Rizanur Meral:** Nakon dobrodošlice, prezentiran je kratki film o ovom udruženju. Ozražena želja za ulaganja u BiH I unapređenje saradnje na ekonomskom planu. Iskazao nadu da ovaj susret neće imati poslovno službeni karakter, već prilika da se čuje I mišljenje zvaničnika o pitanjima ulaganja i potencijalnim projektima.

**g. Živković:** izrazio zadovoljstvo održavanjem sastanka, upoznao domaćine sa tokom veoma sadržajne posjete delegacije PS BiH. Okarakterisao susret značajnim i pojasnio kako parlamentarci donošenjem adekvatnih zakonskih okvira mogu poboljšati privredni rast I razvoj. Informisao domaćine o dosadašnjim aktivnostima na uspostavi Vijeća ministara BiH te otvorenim šansama i mogućnostima koje su pred nama za unapređenje ekonomske saradnje između naših zemalja.

**G. Božo Ljubić:** Izrazio zadovoljstvo da delegacija ima priliku razgovarati sa privrednicima zemlje koja ima ekonomiju s veoma respektabilnim rastom , te kazao da mi možemo biti katalizatori I pokretači određenih aktivnosti . Kratko se osvrnuo na period kroz koji je BiH prošla I periodom koji je uslijedio nakon svega, usporedivši to sa jednim velikim zemljotresom I niza malih, smirujućih i stabilizirajućih. Kazao da je BiH zemlja velikih šansi. Pomenuo mogućnosti razvoja u sektoru poljoprivrede te razvoju malih i srednjih preduzeća, pri čemu bi dobro došla iskustva Turske u ovom segment.

**G. Bećirović:** zahvalio na organizaciji ovog susreta te informisao domaćine da su u BiH napravljeni određeni pomaci vezani za direktna strana ulaganja. U tom smislu rekao da vlade na svim nivoima pojednostaviljuju procedure, smanjuju vrijeme registracija kompanija, u nekim čak i do tri puta. Istakao da se određene inicijative mogu pokrenuti i putem biznis foruma, te da parlamentarci mogu biti pokretači ovih aktivnosti. Na taj način pokazuje se i prijateljstvo i ozbiljnost u pogledu posla koji želimo uraditi. G. Bećirović je taksativno naveo oblasti atraktivne za ulaganja: turizam, u okviru čega je posebno istakao značaj olimpijskih planina Jahorine, Bjelašnice, Igmana I zimskih sportova; vjerski turizam koji daje ogromne mogućnosti, eko-turizam, i uopšte bogato kulturno naslijeđe BiH koje upotpunjuje ovu ponudu. Posebno naglasio segment poljoprivrede, proizvodnju zdrave hrane, ribolov, drvne industije, kao i projekte infrastructure koji uključuju javne tendere za izgradnju dionica puta na koridoru 5, te riječni saobraćaj, posebno luka Brčko, kao i željeznički saobraćaj. G. Bećirović je kazao da je BiH i zemlja sa velikim energetske potencijalima u oblasti hidroenergije, ali da postoje i mogućnosti stranih ulaganja u obnovu postojećih izvora energije. Iskoristio priliku i još jedanput izrazio nadu u predstojeća ulaganja turskih biznismena u BiH.

Delegacija PS BiH je imala priliku čuti i određena iskustva poslovnih ljudi Turske koji su već ostvarili određene kontakte u BiH ali i namjere nekih od njih koji ulažu u zemlje Regiona a žele proširiti saradnju i sa BiH.

Delegacija PS BiH sastala se i sa članovima Grupe prijateljstva Velike narodne skupštine Republike Turske koju je predvodio g. Hakan Çavuşoulu na večeri koju su priredili u čast g. Milorada Živkovića, predsjedavajućeg, g. Bože Ljubića i g. Denisa Bećirovića, zamjenika predsjedavajućeg Predstavničkog doma PS BiH. I ovom prilikom su aktualizirane teme od zajedničkog interesa te mogućnosti za dalje unapređenje bilateralne saradnje kroz aktivno učešće članova grupa prijateljstva oba parlamenta. Takođe je ponovljena konstatacija da se održavaju redovni susreti u cilju kontinuirane podrške radu parlamenta i parlamentarnih tijela te razmijenjivale informacije korisne za zajedničko nastupanje u određenim situacijama i na konferencijama od značaja za oba parlamenta.

Članovi delegacija PS BiH su posjetili Mauzolej Kemala Atatürk-a, a g. Milorad Živković, predsjedavajući i vođa delegacije PS BiH se upisao u knjigu utisaka.

Zapisnik uradila:

Mirsada Bukarić-Kovačević

Dostavljeno:

- Kolegiju Predstavničkog doma PS BiH
- Kolegiju Doma naroda PS BiH
- Komisiji za vanjske poslove PD PS BiH
- Komisiji za vanjsku, trgovinsku i carinsku politiku DN PS BiH
- Grupi prijateljstva za saradnju sa parlamentarnim tijelima Turske
- Kolegiju Sekretarijata PS BiH
- Ministarstvu vanjskih poslova BiH
- Sektoru za odnose s javnošću
- arhivi